

Riječ recenzenata

Kao autor priručnika, veoma sam ponosan i zahvalan sportskim veličinama, osvajačima olimpijskih zlatnih medalja, koji su biranim riječima iskazali svoja mišljenja o priručniku i meni kao autoru.

Svakom treneru i onom ko će koristiti priručnik veoma je bitno mišljenje prof. dr Branislava Pokrajca, redovnog profesora na fakultetu u Beogradu, zatim Abasa Arslanagića, prof. osvajača zlatne olimpijske medalje, Milorada Karalića, prof. osvajača zlatne olimpijske medalje.

U prvom izdanju ovog priručnika 1986. godine profesor Pokrajac je rekao da je priručnik svojevrsan „Nastavni plan i program za klubove“, misleći na plan i program u školama.

Priručnik ima izuzetnu vrijednost zbog toga što je obuhvatio cjelokupnu materiju o stručnom radu u rukometnom klubu. Obuhvaćeni su svi elementi rukometne igre. Terminologija naziva elemenata je usaglašena. Planiranje i organizovanje stručnog rada su postavljeni u okviru godišnjih planova za pionire, juniore i seniore. Autor je bio trener od školske ekipe do Prve savezne lige bivše Jugoslavije, te trener mladih reprezentacija bivše Bosne i Hercegovine i bivše Jugoslavije. Pisao je priručnike iz oblasti sporta. Dnevnik rada za trenera je njegovo pedagoško iskustvo. Kao takav je prihvaćen na svim prostorima bivše Jugoslavije. Pisao je planove i programe za škole rukometa. Vodio je brojne seminare za trenere i bio predavač na njima. Značajan doprinos je dao u organizovanju i unapređenju struke u

rukometnom sportu u vrijeme kad je bio predsjednik Stručnog savjeta bivše Bosne i Hercegovine i Jugoslavije.

Prof. dr Branislav Pokrajac
(osvajatelj zlatne olimpijske medalje)